



Item die burger lassen vorczeln wichteuicz den gewantscherer dor umb, daz er Stephen zeler sin hufffride gebrochn als er dacz vor den burgern erwiesit hat.

Item die burger laszn vorczeln diese nach geschrebin pauel ber, teschener 2c. 2c. Dor umb, daz sie nuwe bruderschaft gemacht habin, dann der stat großz schade entstehn mochte 2c.

Item die burger lassen vorczeln gruel den brutwer dor umb, daz er eyne phanne gefurt und gebruwin hat, und syne bir nicht lassen schribn, als von den burgern gebotn was 2c.

Item die burger lassen vorczeln fridanck den cymmerman dor umb, daz er eyn huffz yn der sachsen stat abebrochin hat, und globit weder czu buwen, und daz nicht gethan hat, Sunder do die burger habn mit em dor umb geret und en geheissen daz ers weder buwen solde, da ging er weg und sprach ym czorne: er weldes czu rate werden ab ers buwen wolle ader nicht 2c.

Die Burger lassen vorczeln M. becher dorumb, daz er bir geschanckt und nicht volle maß gegeben hat, als er dos ist obir komen 2c.

Item die burger lassen vorczeln ulrich sunderssohn den eldesten, und procop wolnickel dor umb, daz sie yn dem frihen frauen huße geunfuget haben 2c.

R

Item